

I
26 105

QUÆSTIO MEDICA,

CARDINALITIIS DISPUTATIONIBUS,
*manè discutienda in Scholis Medicorum,
die Jovis decimâ-octavâ Martii.*

M. LUDOVICO POIRIER, Doctore
Medico, Præfide.

*An febre malignâ laborantibus, Juscula viperarum
Carnibus medicata?*

I.

INORDINATA sanguinis, & ad multum tempus durante intra cordis ventriculos fermentatione, quam naturæ limites excedens calor sæpiùs sequitur, febrem circumscribes: neque inconsultiùs malignæ nomen dabis ei, quæ securitatis specie incautis ut plurimùm imponens, lethales hominum vitæ struit insidias. Epidemia ferè semper, ac interdum contagiosa eodem tempore plures invadit, inferrique solet ab aëre, vel alimentis pessimâ labe inquinatis. Pulsus in eâ frequens, sed simul parvus & debilis, inæqualis, intermittens, aut deficiens. Quantò minor percipitur calor, tantò periculosior. Sopor aut veternus magis, at vigilæ & delirium minùs sæviunt. Huic accedunt malorum scenæ, stomachi dolor, nausea, vomitus, alui fluxus, sanguinis è naribus, uterove stillicidium, ac tandem maculæ tum magnitudine, tum colore diversæ in corporis superficie erumpentes, quibus non rarò fatalis tragædia clauditur, nec non medici peritiam mors inexpectata deludit.

HUMORUM malignitate, ex quâ febris, in ore Medicorum, nihil frequentius, sed quid reverâ tam pravo, ac infenso corruptionis modo intelligendum, definire arduum opus. Qui qualitatium occultarum efficientiam effutiant, suam ignorantiam magis velare, quàm rei veritatem explanare videntur. Agendi potentiam succorum variorum, ex quibus ritè commixtis componitur sanguinis latex bonæ valetudinis parens, diversis saporibus, acrimoniâ, salsedine, amarore, aciditate, acerbitate, austeritate, vel aliis non infusè distingues, aut æstimabis. Sapore ne designes, quæ sit à linguâ, perceptionem, sed potiùs corporis sapidi particularum figuram & motum. Liqueurum quilibet vasis contentus, si nonnullâ sui portione disjungatur à fociis, nec ampliùs per minima mixtus eorum nexu coerceatur, fit fermentum, quod indole varium morborum varia genera producit. Non parùm his internoscendis, curandisve confert ars chymica, quæ medentibus egregia suppeditans remedia, mutationes quibus humores in corpore sunt obnoxii non obscurè suis declarat operibus.

III.

QUANTUM differunt humorum ἑγκυσις καὶ σήψις, tantùm discrepant innocentis, & maligni moris febres; scilicet in his sanguinis molem uberior acidus humor penitùs adeo dissolvit, vel interdum concretione compingit, ut, qui pauci supersunt spiritus, pravissimi illuc feri copiâ quasi obruantur: hîc velut in visco inhærescentes intricentur, utrinque magna rerum calamitas; dicam, an desperatio. Torus ac integer lactis liquor ignis calore rarefit, & ferver, neque propterea labefactatur, aut destruitur ejus nativa compages, quæ mox corrumpitur acidis. Mustum ebulliens in

dolio fit vinum defœcatus, quod pluribus amiffis spiritibus abit in vappam. Non aliter in febribus malignis de fanguine judicandum, cujus à fe invicem principiorum difjunctio brevior, certiorque viam aperit ad interitum, quò major pejorque fuerit. Adverfùm qui fe imminenti præftare conatur exitio, jufcula non minùs quàm medicamenta feligat, quæ ad illud retardandum, aut fuperandum fuâ peculiari virtute prodeffe poffint.

IV.

SPES cum fruftratur in acutorum præfertim morborum curatione, qui victus rationi diligenter non attendit. Si noftram ægros alendi methodum cum câ quam olim inftituit Hippocrates compararemus, illicò pateret tantùm decretam à divino fene alimentorum tenuitatem recedere ab hodierno ægotantium victu, quantum quotidiana noftra vivendi luxuries ab optimâ frugalitate, maximèque nobis Afclepiadæ imitatione interdictum fuiſſe ab hominum gulâ, & confuetudine. Præſcribebant veteres Medici melicratum, oxymel, vel pauculum piſanæ fuccum ſemel in die ſorbendum, cum plura nunc ex vituli & pulli carnibus Jufcula porrigamus. His ad febrem malignam, ſi viperæ incoxeris, quàm prudenter indicato ſatiſfeceris nutriendi modo. Chylus & ſanguis qualitate reſpondent aſſumptis; ſuppeditabitur à viperinis Jufculis uterque multo, quod alkali volatile vocant, ſpiritibus noſtris analogo ſale ſaturatus. Sic infeſtæ, quam acidi humores importare ſolent, obſiſtes pernicioſi, & qui priùs ab illis coagulabantur, fluidiores; qui diſſolvebantur, ſient conſiſtentiores. Dubitas, aut ſaltem tam mirabilium effectuum exempla requiris; ætatis noſtræ chymicorum animum applices experimentis, neque artem tædeat addiſcere quam Vir uniuerſo literaturæ politioris genere, æquè ac medendi

fagacitate præstantior Archiatrorum comes in horto Regio publicis quondam sermonibus excoluit. Si renuis, sola te morabitur pertinacia, quin magnas viperarum salumque volatiliū dotes agnoscas.

V.

QUOD vivacis, & agilis viperæ carnis efficacitate ipsius Elephantiasis deleri possit fœditas, Galeni libros vel oscitanter legenti manifestum est: Sed quod ejusdem virtute februm malignarum curatio promoveatur, si non invenit, saltem politor chymia confirmavit. Hujus ope plurimum ex distillatis viperis habetur sal volatile, quod motu celerissimo spiritus recreat & reficit, intimas corporis partes facile subit, occlusos vasorum tubulos, cohærentes meatus aperit, concretos humores momento dissolvit, vel dissolutos, fermentum acidum infringendo, aut subigendo cogit. Eximium adeo præsidium seorsim exhibitum, ne sanguinis ὀξύς nimis extollat, metuis, viperarum corpora ritè præparata decoque Jusculis, quæ illarum subtilioribus ac optimis partibus medicata mitius ac securius agent. In laboriosam non minùs quàm victam trochiscorum Andromachi compositionem, ad theriacam concinnandam, bene animadvertit recentiorum oculata sedulitas; ut integræ servaretur viperarum virtus. Hanc si sapias, febre malignâ laborantium vivendi rationi simul, & convenientiori indicationis legi accommodabis.

*Ergo febre malignâ laborantibus, Juscula viperarum
carnibus medicata.*

Proponebat Lutetiæ JOANNES GELLY, à sancto Paulo de Fœnotuilles
Eleâtenfis, Baccalaureus Medicus. A. R. S. H. 1694.

Apud Franciscum Muguet, Regis & Facultatis Medicinæ Typographum.